

www.BibleForChildren.org



Cenisihs 6




Miitahsh o'o nahke eshi
tashinsotc a'a Noowa (Noah).
Aahpici hsa kiihkwayahkwaatisi,
kaawiin awaac pankii kekoon
kii-ishi anaamentaakosihsii
i'ima kaakii ontahkaanesitc.

Noowa
kaye
okii wiici
pimohsemaan
Kishemanitoon.



Kishemanitoo okiih
waapantaan pishihshik
nihshiwanaatahkamikisiwin
eayaamakaninik o'omaa
ahkiink. Aaniihsh kahkina
pemaatisiwaatc kiihpapaa



nihshiwanaatahkamikisiwak
o'omaa ahkiink.



Kishemanitoo tahsh okii'inaan Noowawan,
“Aasha ninkii kiishentaan ewii
nihshiwanaaci'akwaa kahkina
pemaatisiwaatc.”



“Wawiinke niwiih tako nihshiwanaaci'aak
nihshiwanaacihtaawak o'o ahkiini,
aanihsh misiwe omaanahkamikisiwiniwaan
ayaani o'omaa ahkiink.”




Kiin tahsh oshihtoon kihci ciimaan, mihtikook
kaasoonkikisiwaatc aapaci'. Ishihtoohkan
hsa cipahpahkeyaak i'i kihci ciimaan.

Pikiw kaye aapaci' piintonak,
saakitoonak kaye.



Miitahsh keishihtooyan,
niiwaahk naanimitana
(450) tahso misit
ta-ahkoonakan,


niishwaahsimitanashinaanaan
(75) tahso misit
tainakwahkoteyoonakan.
Niimitanashinaanaan (45)
tahso misit ta-ahpiihtaa.



“Kekiin tahsh maaciitoon
entahswewaanakahk miicim
kaamiicinaakaatek,
maawantoonan kaye.
Miitahsh i'i keontaatisiyan,
iki kaye aya'aawihshak.”



Neniishin hsa entahswewaanakisiwaatc aya'aawihshak
kika poosi'aak i'ima kihci ciimaanink. Ayaape, shikwa
noonsheya'aa kewiinawaa cipimaatisiwaatc.




Niishwaahswewaan (7) tahsh payehkentaakosiwaatc
aya'aawihshak kika poosi'aak, ayaapeya'aak,
noonsheya'aak itahsh kaye. Pehpeshikwewaan
tahsh wiin ehta kika poosi'aak
aya'aawihshak kaapehkentaakosihsikwaa,
ayaapek, noonsheya'aak
kewiinawaa.





Kiihpoosi tahsh i'i
kihci ciimaan, wiiwan kaye.
Okosihsa' tahsh kaye
kiihpoosiwa', wiiwini tahsh kaye
aanihsh kiiwii ani nihkipiini ahki.





Noowa (Noah) itahsh
ninkotwaahswaahk (600) kiihtahso
pipoonwe, niishokiisihsoon
mitaahshiniishwaaso kiishik (17)
eishihsenik. Mii 'i ahpii ehkiishikahk, nipi
anaamahkamik kiionci moohkiciwan, ishpimink
kaye kiipaahkishkaa, nipi ekii onci pankihsink.



Kiihkiimiwan tahsh o'omaa ahkiink
niimitana (40) tahso kiishik, niimitana
tahso tipihk kaye.



Nipi tahsh piinihsh kiiani
kiishkaayawaa misiwe ahkiink.
Miitahsh kihci ciimaan kaakii ishi
aaposhka'akwantek wakicipiik.



Piinihsh itahsh kiiani nihkipii o'o ahki. Maawac hsa
kaaishpatinaakin kihci waciin kiinihkipiiwan misiwe
ahkiink. Kahkina tahsh kekoon kaakiih pimaatahk
kaashi papaankohkamikaak,
kaapakitanaamoomakahk kiinipoomakan.






Kishemanitoo okii maamihkawinotawaan
Noowawan (Noah) i'i kaye kahkina
aya'aawihsha' kaakii wiici
poosiimikonitc i'ima kihci ciimaanink.
Kishemanitoo tahsh kii-ishihcike
cikihci nootinink o'omaa
ahkiink, miitahsh
kaaishi maacii
iskahtenik.



Niimitana tahso kiishik
tahsh ekii ishkwa
ishihsenik, Noowa okiih
paahkinaan waasehcikan
kaakii oshihtookopanen i'ima
kihci ciimaanink. Noowa hsa okii
saakicinisha'waan omiimiin,
eaapaci'aatc ewii onci
kihkentank aaniin kaa-ahpiihci
iskahtenik o'omaa ahkiink.



Niishokiisihsoon (2) tahsh ehpmakinsonitc,
eniishtanashiniishwaahsokonakaanik (27), mii hsa 'i
ahpii wiinke kaakiih paankwahk o'o ahki.



Kishemanitoo tahsh okii'inaan Noowawan,
Kishemanitoo tahsh okii'inaan Noowawan, "Saaka'an
i'ima kihci ciimaanink, kiwiiw kaye
tasaaka'am. Kikosihsak, wiiwiwa' kaye
taka kika saakici
wiiciiwikook."



Noowa
(Noah)
tahsh okii
onaapihkinaan
waahtashi
pakitinaahsoohtamawaatc
kaaTipencikenitc.



Okiih kakiikinaa'
kahkina
peyehkisinitc
aya'aawihsha',
pinehshiinsha' kaye,
ekiih caakisamawaatc
kaaTipencikenitc kiki
misiwe aya'aawihsha'
ekiih ishi

pakitinaahsoohtamawaatc
i'ima kaakii ishi
onaapihkiniketc.





Miitahsh
kaa-ani ihkitotc
Kishemanitoo,
“Miitahsh o'o keshi
kihkinawaacihtooyaan
i'i kaashi
ahshotamaawinakook,

iki kaye kahkina
aya'aawihshak
kaawiiciiwihkwaa,
iki kaye kahkina
keni ayaanikke
pimaatisiwaatc.”



“Ninka onahtoon
hsa kiisihsweyaap
wahkwiink,
miitahsh i’i
ekihkinawaacihtooyaan

o'o kaashi
ahshotamawakwaa
o'omaa ahkiink
eyaawaatc.”





“Ahpīi tahsh iko
oshihtooyaan ahki
cininkwahkwahk,
kiisihsweyaap tahsh
naakwahk, ninka
maamihkaw itahsh aaniin
eshi ahshotamaawinakook,

i'i kaye kahkina
kekoon pemaatahk.
Kaawiin hsa miinawaa
wiihkaa nipi
tanihkipacikemakahsinoon
cinihshiwanaatahk kahkina
kaapimaatahk.”



Kishemanitoo tahsh
okii ishi shawenimaan Noowawan
(Noah) ciminohsenitc okosihsini
kaye ekii'inaatc,
“Nihtaawikinaawahsok cini
paahtiinoyek, misiwe
ahkiink cini ayaayek.”





“Noowa (Noah) tahsh
okosihsa' kihci ciimaanink kaaonci
kapaanitc o'o kii-ishinihkaasowa':
Shem (Shem), Hem (Ham), Cepat
(Japheth) itahsh. Hem tahsh
Kenan (Canaan)
kii-ishinihkaasowan
okosihsan.”



“Miiwa' tahsh o'o
Noowa okosihsa' kaakii
nihsinitc (3), miitahsh i'ima
kaaonciinitc kahkina pemaatisinitc
misiwe ahkiink eyaanitc.”



Aaniihsh Kishemanitoo
ehpiihsishawenimaatc pemaatisinitc
ahkiink, kii'miikiwe ehpesihikonitc
oKosihsan, awenenan itahsh iko
ketepweyenimaatc, . . .



. . . ekaa cinihshiwanaatisihsik,
ciayaatc itahsh i'iweni pimaatisiwin
wiihkaa keishkwaahsehsininik.



Oroomanak 3:23 Kahkina awiya kii'macitootam. Kaawiin
awiya okiihtepishkansii Kishemanitoo
okihci-inentaakosiwininiink ci-ishinaakositc.

Oroomanak 6:23 Nashke macitootamowin awiya ehtootank
nipowinini taontisi. I'iwani tahsh wiin Kishemanitoo
kaamihcimiikiwetc pimaatisiwin, kaawiin wiihkaa
tawehkwaahsehsinini. Mii 'iwe kitooncimiinikoomin Christ
Ciisahs kaaTipeniminank e'wiiciwinank.

Hiiparoowak 9:27 Oncitako ishinaakwanini awiya aapitink
cinipotc. Kii'ishkwaanipotc itahsh mii 'i citipaahkonikotc
Kishemanitoo.

Ihpiishiyanak 2:8,9 Okishewaatisiwinink ohsha
kikii'oncipimaaci'ikoom, aanihsh kikiihtepweyentaam.
Kaawiin wiin kiinawaa i'i kikashkihtamaasohsiim,
Kishemanitoo ohsha i'i omiikiwewin.



Kaawiin wiin kaye anohkiiwinink oncihsinoon
pimaaci'ikoowin, awiya hsa inini ekaa
cioncikihcikaakiikitohsik.

Oroomanak 10:9,10 Kiishpin mohshewiinatc Ciisahs
ehtipenciketc, wiinke kaye tepwehtaman kaye
Kishemanitoo ekiihkiiwepimaatisi'aatc Christan i'ima
nipowinink, mii hsa 'i cipimaaci'ikooyan.

Aaniihsh wiinke tepwehtamank mii'ima
wencikwayahkwaaci'inank ciminowiiciwinank
Kishemanitoo; e'mohshewiintamaakeyank tahsh kaye
kitooncipimaaci'ikoomin.



Cwaan 3:16,17 Aaniihsh Kishemanitoo
ehpiihcishawenimaatc pemaatisinitc ahkiink, kii'miikiwe
ehpeshikonitc oKosihsan, awenenan itahsh iko
ketepweyenimaatc, ekaa cinihshiwanaatisihsik, ciayaatc
itahsh i'iweni pimaatisiwin wiihkaa keishkwaahsehsininik.

Kishemanitoo okiihpi-ishinisha'waan oKosihsan omaa
ahkiink, kaawiin wiin cipitipaahkonaanitc i'i ahkiink
kaa-ayaanitc, wiin cioncipimaatisinitc i'i ahkiink
kaa-ayaanitc.

1 Cwaan 5:11-13 Miitahsh o'o tipaacimowin ehshihsink,
Kishemanitoo ekii'miininank pimaatisiwin wiihkaa
kepoonihsehsininik. I'i hsa pimaatisiwin oKosihsink onciini.



A'a tahsh kaa-ayaawaatc oKosihsimaan otayaan
pimaatisiwin. A'a tahsh wiin kaa-ayaawaahsik
Kishemanitoon oKosihsini kaawiin otaayaahsiin
pimaatisiwin.

Kitooshipii'amawininim itahsh ono kiinawaa
kaatepwehtamowek owiinsowinini Kishemanitoo
oKosihsan, ciki hkentamek e'ayaayek pimaatisiwin wiihkaa
kepooni hsehsinok.



Cenisihs 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ojibwe Shorter Bible (Roman Script) (ojb) © 2008 Canadian
Bible Society

<https://live.bible.is/bible/CJBCB2/MAT/1>

©2026 Bible for Children, Inc.

www.M1914.org

www.bibleforchildren.org

